

唐圭璋編

全宋

詞

第八冊

國立編譯館

全宋詞卷一百十八

史浩 二十六首

史浩

浩字直翁明州鄞縣人生於崇寧五年紹興十五年進士孝宗朝累擢中書舍人翰林院學士知制誥歷右丞相封魏國公進太師紹熙五年卒年八十九贈會稽郡王謚文惠有鄭峯真隱大曲

探蓮 壽鄉

延徧

霞霄上有壽鄉廣袤無際東極滄海縹緲虛無蓬萊弱水風生屋浪鼓楫揚旂不許凡人得至甚幽邃試右望金樞外西母樓閣玉闕瑤池萬頃琉璃雙成倩巧方朔談諧來往徜徉霓裳飄飄寶砌更希奇

擷徧

南鄰丹幄宮赤伏顯符記朱陵耀綺繡箕翼炯瑞光騰起每歲秋

分老人見表皇家襲慶迎祺天子當膺無疆萬歲北窺玄冥魁杓擁佳氣長拱極終古無移論南北東西相直何啻千萬里信難計

入破

璇穹層雲上覆光景如梭逝惟此過隙緩征轡垂象森列昭回碧落卓然躔度炳曜更騰輝永永清光暉煒絳四野金壁爲地藥珠館瓊玖室俱高峙千種奇葩松椿可比暗香幽馥歲歲長春陽烏何曾西委

褒徧

徧此境人樂康挾難老術悟長生理盡阿僧祇劫赤松王令安期彭篋盛矣尙爲嬰稚鶴算龜齡絳老休誇甲子貽背聳黃髮垂髻更童顏長鼓腹同游戲真是華胥行有歌坐有樂獻笑都是神仙時見羣翁啓齒

實催

露華霞液雲漿椒醕恣玉罍金壘交酬成雅會拚沈醉中山千日未爲長久今此陶陶一飲動經萬祀陳果蓏皆是奇異似瓜如斗

盡備三千歲一熟珍珠釘坐中
瑩似玉爽口流涎三偷不枉西真
指議

宴

有珍饌時時饋滑甘豐膩紫芝
熒煌嫩菊秀媚貯瑪瑙琥珀精器
延年益壽莫礙人閒烹飪徒費休
說龍肝鳳髓動妙樂仙音鼎沸
玉簫清瑤瑟美龍笛脆雜選飛鸞
花榻上趁拍紅牙餘韻悠悠竟
海變桑田未止

歌拍

其閒有洞天侶思游塵世珠葆搖
曳華表真人清江使者相從密
議此老遨嬉我輩應須隨侍正舉
步忽思同類十八公方簪壑宜
邀致夙駕星言人爭圖繪榻來
鄞山甬水因此崇成四明里第

煞袞

吾皇喜光寵無貳玉帶金魚榮貴
或者疑之豈識聖明曾主斯鄉
嘗相與儘繾綣膠漆何可相離今
日風雲合契此實天意吾皇聖
壽無極享晏粲千載相逢我翁亦
昌熾永作昇平上瑞

採蓮舞

五人一字對廳立竹竿子勾念
伏以濃陰緩響化國之日舒以長清奏
當筵治世之音安以樂雷舒絳彩玉照鉛華玲瓏環佩之聲綽約神仙之
伍朝回金闕宴集瑤池將陳倚棹之歌式侑回風
之舞宜邀勝伴用合仙音女伴相將採蓮入隊
勾念了後行吹雙頭蓮令舞上分作五方竹竿子又勾念
伏以波涵碧
玉搖萬頃之寒光風助青蘋聽數聲之幽韻芝華雜選羽幟飄飄疑紫府
之羣英集綺筵之雅宴
更憑樂部齊迓來音
勾念了後行吹採蓮令舞
轉作一直了衆唱採蓮令

練光浮煙斂澄波渺燕脂溼靚妝初了綠雲織上露滾滾的礫真
珠小籠嬌媚輕盈佇眺無言不見仙娥凝望蓬島 玉闕蔥蔥鎖
鎖佳麗春難老銀潢急星槎飛到暫離金砌為愛此極目香紅繞
倚蘭棹清歌縹緲隔花初見楚楚風流年少

唱了後行吹採蓮令舞分作五方竹竿子勾念
伏以過雲妙響初容與
於波閒回雪奇容乍婆娑於澤畔愛芙蓉之豔冶有蘭芷之芳馨蹀躞凌
波洛浦未饒於獨步雍容解佩漢皋
諒得以齊驅宜到塔前分明祇對

花心出念
但兒等玉京侍席久陟仙塔雲路馳騁乍游塵世喜聖明之
際會臻夷夏之清寧聊尋澤國之芳雅寄丹臺之曲不慚鄙俚少頌昇平
未敢自專
伏候處分

竹竿子問念
既有
清歌妙舞何不獻呈

花心答問
舊樂何在

竹竿子再問念
一部儼然

花心答念
再韻前來

念了後行吹漁家傲五人舞換坐當花心立人念詩 我昔瑤池
處訖又二人舞又住當立處然後花心舞徹竹竿子念 伏以仙裾搖曳

擁雲羅霧敷之奇紅袖翻極麗翻風翰之
妙再呈獻瑞一洗凡容已奏新詞更留雅詠

念了花心念詩 我本清都侍玉皇乘雲取鶴
到仙鄉輕舸一葉煙波闊嗜此秋潭萬斛香

念了後行吹漁家傲花心
舞上折花了唱漁家傲

藥沼清冷涓滴水迢迢煙浪三千里微孕青房包繡綺薰風裏幽

芳洗盡閒桃李 羽氅飄蕭塵外侶相呼短棹輕僂倚一片清歌

天際起聲尤美雙雙驚起鴛鴦睡

唱了後行吹漁家傲五人舞換坐當花心立人念詩 我昔瑤池
飽宴游榻來樂國已三秋水晶宮裏尋幽伴菡萏香中蕩小舟

念了後行吹漁家傲花心
舞上折花了唱漁家傲

翠蓋參差森玉柄迎風浥露香無定不著塵沙真體淨蘆花徑酒

侵酥臉霞相映 掉撥木蘭煙水暝月華如練秋空靜一曲悠颺

沙鷺聽牽清興香紅已滿蒹葭艇

唱了後行吹漁家傲五人舞換坐當花心立人念詩 我弄雲和
萬古聲至今江上數峯青幽泉一曲今憑棹楚客還應著耳聽

念了後行吹漁家傲花心
舞上折花了唱漁家傲

草軟沙平風掠岸青蓑一釣煙江畔荷葉爲桐花作幔知誰伴醇

醪只把鱸魚換 盤縷銀絲杯自暖篷窗醉著無人喚逗得醒來

橫脆管清歌緩彩鸞飛去紅雲亂

唱了後行吹漁家傲五人舞換坐當花心立人念詩 我是天孫
織錦工龍梭一擲度晴空蘭機不逐仙槎去貪擷芙蓉萬朵紅

念了後行吹漁家傲花心
舞上折花了唱漁家傲

太華峯頭冰玉沼開花十丈千雲杪風散天香聞四表知多少亭

亭碧葉何曾老 試遡霏煙登鳥道丹崖步步祥光繞折得一枝

歸月嶠蓬萊島霞裾侍女爭言好

唱了後行吹漁家傲五人舞換坐當花心立人念詩 我入桃源
避世紛太平纔出報君恩白龜已閱千千歲卻把蕪菓作酒樽

念了後行吹漁家傲花心
舞上折花了唱漁家傲

珠露溥溥清玉宇霞標綽約消煩暑時馭清風之帝所尋舊侶三

千仙仗臨煙渚 舴艋飄飄來復去漁翁問我居何處笑把紅蕖

呼鶴馭回頭語壺中自有朝天路

唱了後行吹漁家傲五人舞換坐如初竹竿子勾念 伏以珍符海至朝
廷之道格高深年穀屢豐郡邑之和薰遐邇式均歡宴用樂清時感游女

於仙術詠奇葩於水國折來和月露過霞頭舞處隨風香盈
翠袖既徜徉於玉砌宜宛轉於雕梁爰有佳賓冀聞清唱

念了衆唱
畫堂春

彤霞出水弄幽姿娉婷玉面相宜棹歌先得一枝枝波上畫鯨飛

向此畫堂高會幽馥散堪引瑤卮幸然逢此太平時不醉可無

歸

唱了後行吹畫堂春
衆舞舞了又唱河傳

葉宮闈苑聽鈞天帝樂知他幾徧爭似人閒一曲採蓮新傳柳腰

輕鶯舌轉 逍遙煙浪誰羈絆無柰天塔早已催班轉卻駕彩鸞

笑握芙蓉斜盼願年年陪此宴

唱了後行吹河傳衆舞舞了竹竿子念遺隊 浣花一曲瀟湘江城雅合
鳧鷖醉太平楚澤清秋餘白浪芳枝今已屬飛瓊歌舞既闌相將好去

念了後行吹雙頭蓮令五人
舞轉作一行對廳杖鼓出場

太清舞

後行吹道引曲子迎五人上對廳一直立樂住竹竿子勾念 洞天
門闕鎖煙蘿瑤室瑤臺瑞氣多欲識仙凡光景異歡謔須聽太平歌

花心念 伏以獻醴縹緲歡祥煙氎席爇煌開遠嚮諳視人閒之景物何
殊洞府之風光恭惟委繡主人簪纓貴客或碧瞳漆髮或綠鬢童顏雄辯

風生英奕玉立曾向藥宮貝闕爲道遙游俱膏丹篆玉書作神仙伴故今
此會式契前蹤但兒等偶到塵寰欣逢雅宴欲陳末藝上助清歡未敢自

專伏候
處分

竹竿念問 既有清
歌妙舞何不獻呈

花心答念
舊樂何在

竹竿子問念
一部儼然

花心答念
再韻前來

念了後行吹太
清衆舞訖衆唱

武陵自古神仙府有漁人迷路洞戶迸寒泉汎桃花容與 尋花

迤邐見靈光舍扁舟飄然入去注目渺紅霞有人家無數

唱了後行吹太清歌
衆舞舞訖花心唱

須臾卻有人相顧把看漿來聚禮數既雍容更衣冠淳古 漁人

方問此何鄉衆顰眉皆能深訴元是避嬴秦共攜家來住

唱了後行吹太清歌衆
舞換坐當花心一人唱

當時脫得長城苦但熙熙朝暮上帝錫長生任跳丸烏兔 種桃

千萬已成陰望家鄉杳然何處從此與凡人隔雲霄煙雨

唱了後行吹太清歌衆
舞換坐當花心一人唱

漁舟之子來何所盡相猜相語夜宿玉堂空見火輪飛舞
有慮尙依然復歸指維舟沙浦回首已茫茫歎愚迷不悟
凡心

唱了後行吹太清歌衆
舞換坐當花心一人唱

我今來訪煙霞侶沸華堂簫鼓疑是奏鈞天宴瑤池金母
卻將
桃種散塔除俾華實須看三度方記古人言信有緣相遇

唱了後行吹太清歌衆
舞換坐當花心一人唱

雲駢羽憶仙風舉指丹霄煙霧行作玉京朝趁兩班鷓鴣
玲瓏
環佩擁霓裳卻自有簫韶隨步含笑囑芳筵後會須來赴

唱了後行吹太清歌衆舞訖竹竿子念
欣聽嘉音備詳
仙迹固知玉步欲返雲程宜少駐於香車佇再關於雅詠

念了花心念
但兒等暫離仙島來止洞天屬當嘉節之臨行有清都之
觀芝華羽葆已雜選於青冥玉女仙童正蓬迎於黃道既承嘉命聊具新
篇

篇曰
仙家日月如天遠人世光陰若電
飛絕唱已聞驚列坐他年同步步太清歸

念了衆
唱破子

游塵世到仙鄉喜君王躋治虞唐文德格遐荒四裔盡來王干戈

偃息歲豐穰三萬里農桑歸去告穹蒼錫聖壽無疆

唱了後行吹步虛子四人舞上勸心酒花心復勸勸訖衆舞列作一字行
行竿子念遣隊
仙音縵縵麗句清新既歸美於皇家復激昂於坐客桃
源歸路鶴馭迎風拊
手塔前相將好去

念了後行吹
步虛子出場

柘枝舞

五人對廳一直立竹竿子勾念
伏以瑞日重光清風應候金石絲竹聞
六律以皆調儵伏兜離賀四夷之率伏請翻妙舞來奉多歡鼓吹連催柘
隊入

念了後行吹引子半段入場連吹柘枝令分作五方舞舞了竹竿子又念
適見金鈴錯落錦帽蹁躑芳年玉貌之英童翠袂紅綃之麗服雅擅西
戎之舞似非中國之人
宜到塔前分明祇對

念了花心出念
但兒等名參樂府幼習舞容當芳宴以宏
開屬雅音而合奏敢呈末技用讚清歌未敢自專伏候處分
念了竹竿子問念
既有清歌妙舞何不獻呈

花心答念
舊樂何在

竹竿問念
一部儼然

花心答念
再韻前來

念了後行吹三臺一徧五人舞拜起舞後
行再吹射鵰徧連歌頭舞了衆唱歌頭

□人奉聖□□朝□□□□主□□□□留伊得荷雲戲幸遇
文明堯塔上太平時□□□□何不能歲□征舞柘枝

唱了後行吹桑眉徧吹了又吹撲胡蝶徧
又吹畫眉徧舞轉謝酒了衆唱柘枝令

我是柘枝嬌女□□多風措□□□住深□妙學得柘枝舞□
□頭戴鳳冠□□纖腰束素□□徧體錦衣裝來獻呈歌舞

唱又

回頭卻望塵寰去喧畫堂簫鼓整雲鬢搖曳青綃愛一曲柘枝舞
好趁華封盛祝笑共指南山煙霧蟠桃仙酒醉昇平望鳳樓歸路

唱了後行吹柘枝令衆舞了竹竿子念遣隊 雅音震作既呈儀鳳之吟
妙舞迴翔巧著飛鷲之態已洽歡娛綺席暫歸 縹緲仙都再拜塔前相將

去好

念了後行吹
柘枝令出隊

以上朱本鄧峯真隱
大曲卷一二十六首

全宋詞卷一百十九

史浩 二十四首

史浩

花舞

兩人對廳立自念 伏以騷賦九章靈草喻如君子詩人十詠奇花命以佳名因其有香尊之為客欲知標格請觀一字之褒愛藉品題遂作羣英之冠適當麗景用集仙姿玉質輕盈共慶一時之會金樽激灑式均四坐之歡女伴相將折花入隊

念了後行吹折花三臺舞取花瓶又舞上對客放瓶念牡丹花詩花是牡丹推上首天家侍宴為賓友料應雨露久承恩貴客之名從此有

念了舞唱蝶戀花侍女持酒果上勸客飲酒

貴客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念瑞香花詩花是瑞香初擢秀達人鼻觀通塵阜遂令聲價滿寰區嘉客之名從此有

念了舞唱蝶戀花侍女持酒果上勸客飲酒

嘉客之名從此有多謝風流飛馭陪樽酒持此一卮同勸後願花
長在人長壽

舞唱了後行吹三臺舞轉換花瓶又舞上次對客放瓶念丁香花詩花是丁香花未剖青枝碧葉藏瓊玖如居翠輦道家妝素客之名從此有

念了舞唱蝶戀花侍女持酒果上勸客飲酒

素客之名從此有多謝風流飛馭陪樽酒持此一卮同勸後願花
長在人長壽

舞唱了後行吹三臺舞轉換花瓶又舞上次對客放瓶念春蘭花詩花是春蘭樓遠岫竹風松露為交舊仙家劍佩羽裳幽客之名從此有

念了舞唱蝶戀花侍女持酒果上勸客飲酒

幽客之名從此有多謝風流飛馭陪樽酒持此一卮同勸後願花
長在人長壽

舞唱了後行吹三臺舞轉換花瓶又舞上次對客放瓶念薔薇花詩花是薔薇如綺繡春風滿架暉晴晝為多規刺少拘攣野客之名從此有

念了舞唱蝶戀花侍女持酒果上勸客飲酒

野客之名從此有多謝風流飛馭陪樽酒持此一卮同勸後願花
長在人長壽

舞唱了後行吹三臺舞轉換花瓶又舞上次對客放瓶念醴醞花詩花是醴醞紆翠袖醴泉曾入真珠溜更無塵氣到杯盤雅客之名從此有

念了舞唱蝶戀花侍女
持酒果上勸客飲酒

雅客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念荷花詩
是芙蓉冰玉湫人閒暑氣何曾受本來泥滓不相關淨客之名從此有

念了舞唱蝶戀花侍女
持酒果上勸客飲酒

淨客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念秋香花詩
是秋香偏鬱茂姮娥月裏親栽就一枝平地合登瀛仙客之名從此有

念了舞唱蝶戀花侍女
持酒果上勸客飲酒

仙客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念菊花詩
是菊英真耐久長年只看臨風嗅東籬况乃見南山壽客之名從此有

念了舞唱蝶戀花侍女
持酒果上勸客飲酒

壽客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念梅花詩
是寒梅先節候調羹須待青如豆為於雪底倍精神清客之名從此有

清客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又舞上次對客放瓶念芍藥花詩
芍藥來陪羣客後矜其未至當居右奇姿獨許侍花王近客之名從此有

念了舞唱蝶戀花侍女
持酒果上勸客飲酒

近客之名從此有多謝風流飛馭陪樽酒持此一卮同勸後願花

長在人長壽

舞唱了後行吹三臺舞轉換花瓶又
舞上花裙背花對坐唱折花三臺

算仙家真巧妙能使衆芳長繡組羽軒芝葆曾到世閒誰共凡花

為伍 桃李漫誇豔陽百卉又無香可取歲歲年年長是春何用

芳菲分四序

唱又

對芳辰成良聚珠服龍妝環宴俎我御清風來此縱觀還須折枝
歸去 歸去藥珠繞頭 一是東君為主隱隱青冥怯路遙且向

臺中尋伴侶

唱了起舞後行吹折花三臺一偏舞
訖相對坐取盆中花插頭上又唱

歎塵寰烏兔走花謝花開能幾許十分春色一半遺愁那堪飄零

風雨爭似此花自然悄不待根生下土花既無凋春又長好帶

花枝傾壽醕

又唱

是非場名利海得喪炎涼徒自苦至樂陶陶唯有醉鄉誰向此閒

知趣花下一杯一杯且莫把光陰虛度八極神游長壽仙蝶贏

螟蠲休更覷

唱了侍女持酒果置榻上舞相對自飲飲訖起舞三臺一偏自念遺隊
伏以仙家日月物外煙霞能令四季之奇葩會作一筵之重客莫不香浮

綺席影覆瑤塔森然翠玉之林宛在列真之府相逢今日不醉何時敢持
萬斛之流霞用介千春之眉壽歡騰絲竹喜溢湖山觀者雖多歎未曾有

更願九重萬壽四海一家屢臻年穀之豐登永錫田廬之快樂於時花曉
嘶晚絳蠟迎宵飲散瑤池春在烏紗帽上醉歸藥簪香分白玉釵頭式因

天上之芳容流作人間之佳話尙期
再集益侈遐齡歌舞既終相將好去

念了後行吹
三臺出隊

劍舞

二舞者對廳立榻上竹竿子勾念 伏以帑席歡濃金樽與逸聽歌聲之
融曳思舞態之飄飄爰有仙童能開寶匣佩干將其邪之利器揮龍泉秋
星之凜凜掌上生風宜到芳筵同翻雅戲

二舞者自念 伏以五行擢秀百鍊呈功炭熾紅爐光散星日刷新雪刃
氣貫虹霓斗牛開紫霧浮游波濤裏蒼龍締合久因佩服粗習週翔茲闌
闌苑之羣仙來會瑤池之重客輒持
薄技上侑清歡未敢自專伏候處分

竹竿子問 既有清
歌妙舞何不獻呈

二舞者答
舊樂何在

竹竿子再問
一部儼然

二舞者答
再韻前來

樂部唱劍器曲破作舞一段
了二舞者同唱霜天曉角

熒熒巨闕左右凝霜雪且向玉塔掀舞終當有用時節 唱徹人

盡說寶此剛不折內使奸雄落膽外須遣豺狼滅

樂部唱曲子作舞劍器曲破一段(舞罷二人分立兩邊別兩人漢裝者
出對坐卓上設酒果)竹竿子念 伏以斷蛇大澤逐鹿中原佩赤帝之

真符接着姬之正統皇威既振天命有歸量勢雖盛於重瞳度德難勝於
隆準鴻門設會亞父輸謀徒矜起舞之雄姿厥有解紛之壯士想當時之

賈勇激烈飛騰宜後世之效響
回旋宛轉雙鸞奏技四坐騰歡

樂部唱曲子舞劍器曲破一段(一人左立者上榻舞有欲刺右漢裝者
之勢又一人舞進前翼蔽之舞罷兩舞者並退漢裝者亦退復有兩人唐

裝出對坐卓上設筆硯紙舞者一人換婦人裝立榻上竹竿子勾念
伏以雲鬢聳蒼璧霧縠罩香肌袖袖紫電以連軒手握青蛇而的傑花影
下游龍自躍錦袍上踏鳳來儀軟態橫生現姿謔起傾此入神之技誠為
駭目之觀巴女心驚燕姬色沮豈唯張長史草書大進抑亦杜工部麗句
新成稱妙一時流芳萬
古宜呈雅態以洽濃歡

樂部唱曲子舞劍器曲破一段（作龍蛇蜿蜒曼舞之勢兩人唐裝者起
二舞者一男一女對舞結劍器曲破徹）竹竿子念 項伯有功扶帝業
大娘馳譽滿文場合茲二妙甚奇特堪使佳賓齎一觴霍如羿射九日落
嬌如羣帝驂龍翔來如雷霆收震怒罷如江海凝清光歌舞既終相將好
去

念了二舞
者出隊

漁父舞

四人分作兩行迎上對筵立漁父自勾念 郢城中有蓬萊島不是神仙
那得到萬頃澄波舞鏡驚千尋疊嶂環旌纛光天圓玉夜長清瀾地溼紅
朝不掃寶主相逢欲盡
歡昇平一曲漁家傲

勾念了二人念詩 渺渺平湖浮碧滿奇峯四
合波光暖綠蕙青笠鎮相隨細雨斜風都不管

念了齊唱漁家
傲舞戴笠子

細雨斜風都不管柔藍輕綠煙堤畔鷗鷺忘機為主伴無羈絆等
閒莫許金章換

唱了後行吹漁家傲舞舞了念詩 喜見同陰垂市地
瓊珠蔽蔽隨風絮輕絲圓影兩相宜好景儂家披得去

念了齊唱漁家
傲舞披蓑衣

好景儂家披得去前村雪屋雲深處一棹清歌歸晚浦真佳趣知
誰畫得歸縑素

唱了後行吹漁家傲舞舞了念詩 波面初驚秋葉委
風來又覺船頭起酒滔平地盡知津濟涉還渠漁父子

念了齊唱漁家
傲舞取棹鼓動

濟涉還渠漁父子生涯只在煙波裏練靜忽然風又起贏得底吹
來別浦看桃李

唱了後行吹漁家傲舞舞了念詩 碧玉瀾鄒平似掌
山頭正吐冰輪上水天一色印寒光萬斛黃金迷俯仰

念了齊唱漁家
傲舞將棹搖騰勢

萬斛黃金迷俯仰輕舸不礙飛雙槳光透碧霄千萬丈真堪賞恰
如鏡裏人來往

唱了後行吹漁家傲舞舞了念詩 手把絲綸浮短艇
碧潭清泚風初靜未垂芳餌向滄浪已見白魚翻翠荇

念了齊唱漁家
傲舞取釣竿作釣魚勢

已見白魚翻翠荇任公一擲波千頃不是六鼈休便領清晝永悠
颺要在神仙境

唱了後行吹漁家傲舞舞了念詩 新月半鉤堪作釣
釣竿直欲干雲表魚鯁細碎不勝多一引修鱗吾事了
念了齊唱漁家傲釣出魚

一引修鱗吾事了棹船歸去歌聲杳門俯清灣山更好眠到曉鳴

榔艇子方雲擾

唱了後行吹漁家傲舞舞了念詩 提取棹鱗歸竹塢
兒孫迎笑交相語西風滿袖有餘清試倩霜刀供玉縷
念了齊唱漁家傲取魚在杖頭各放魚指酒樽

試倩霜刀供玉縷銀鱗不忍供盤俎擲向清波方圍休更取小

槽且聽真珠雨

唱了後行吹漁家傲舞舞了念詩 明月滿船唯載酒
漁家樂事時有醉鄉日月與天長莫惜清樽長在手
念了齊唱漁家傲取酒樽斟酒對飲

莫惜清樽長在手聖朝化洽民康阜說與漁家知得否齊稽首太

平天子無疆壽

起面外稽首祝聖

唱了後行吹漁家傲舞舞了漁父自念遺隊 湖山佳氣靄紛紛占得
風光日滿門賓主相陪歡意足卻橫煙笛過前村歌舞既終相將好去
念了後行吹漁家傲舞者兩行引退出散

以上朱氏鄴峯真隱大曲卷二十四首

全宋詞卷一百二十

史浩 六十四首

史浩

望海潮 叔父知縣宅并章服

煙籠香徑霞舒花砌東君繡出芳辰蝶羽弄晴鶯聲囀巧熙熙舞態歌唇綸制出嚴宸錫耀春品服榮曳緋銀向此華塗要路顏色倍精神 珠簾碧甃方新有蘭堂快目水榭通津玉甃蘸清金蚪萬翠輪蹄盡集簪紳偕老指雙椿望武林咫尺同上青雲異日重爲此會應羨鳳池人

又 汪漕慶壽

煙濃柳徑霞蒸花砌春深特地芳辰蝶侶鬪狂鶯雛弄巧雍容舞袖歌唇西圃集簪紳正桂薰蘭玉天壽松椿競捧瑤觥漱澗來祝縱懷人 當年輟侍嚴宸有星軺問俗熊軾臨民康阜政成蕃宣

治美歸休燕處申申行慶紫泥新起釣璣國老東海之濱屈指重開此宴應已拜平津

又 慶八十

熊羆嘉夢風雲享會礪溪應卜之年黃菊萃英丹莢釀馥安排預賞芳筵環佩擁神仙向璇題玉字金縷紅鮮最好花柳展處雙鳳舞翩翩 人人競擘香牋璨珠璣溢目祝頌無邊彭祖一分莊椿十倍千秋未足多言日馭且停鞭把燕閒歡樂分付壺天笑享親朋歲歲春酒慶團圓

感皇恩 叔父慶宅并章服代作

健卒走紅塵芝封飛到金縷斜斜印三道舞鸞翔鳳猶帶御鑪煙 鼻茜衣新象笏銀章好 對此況當鶯花繚繞畫棟暈暈映蓬島 繡簾初卷共指松椿偕老浩歌拚爛醉金樽倒

又

風雨纜元宵收燈方了深院紅蓮尙圍繞德星同聚更有祥光臨照始知真洞府春長好 應是化工偏憐衰老賸把青藜作榮耀

全宋詞 卷一百二十 史浩

正須沈醉拚卻玉山頽倒寄聲更漏子休催曉

滿庭芳 叔父慶宅并章服代作

烘錦花堤鋪絲柳巷曉來膏雨初晴畫堂初建碧沼映朱楹最好
芙蓉繡褥交輝敞孔雀金屏那堪更華裾滿坐和氣動歡聲 冰
清真美行棠陰善政槐市高名今朝消受得茜服光榮況是齊眉
竝壽誰云道樂事難并相將見飛鳧過闕除目下彤庭

又 立春詞時方獻空

愛日輕融陰雲初斂一番雪意闌珊柳搖金縷梅綻五顯寒知是
東皇翠葆飛星漢來至人閒開新宴笙歌逗曉和氣滿塵寰 風
光偏舜水賢侯政美棠蔭多歡更圓屏草鞠木索長閒休向今朝
惜醉紅妝映羣玉頽山行將見宜春帖子清夜寫金鸞

又 次韻姚令威雪消

微霞疏飄驕雲輕簇短檠黯淡籠紗冷禁蘭帳清曉忽飛花已是
平蕪步闊那堪更折竹如蕤凭欄處關心一葉歸興渺無涯 休
嗟爲瑞少適從狼子來自龍沙賴吾皇神武薄海爲家盡掃腥風

殺氣依然放紅日光華回頭看山蹊水塢縞帶不隨車

又 四明尊老會勸鄉大夫酒

鯨海波澄棠陰日永正宜坐嘯雍容歲豐民樂無訟到庭中試數
循良自古襲黃外誰可追蹤那堪更恩均髦壽良會此宵同 璇
穹占瑞處熒煌五馬璀璨羣公盛笙歌羅綺共引髯翁祗恐芝泥
趣召雙旌展獵獵飛紅須知道君王渴見名久在屏風

又 勸鄉老衆賓酒

十載江湖一朝簪組寵榮曷稱衰容聖恩不許歸臥舊廬中慨念
東山伴侶煙霞外久闊高蹤今何幸相逢故里談笑一樽同 吾
州真幸會湖邊賀監海上黃公勝渭川遺老絳縣仙翁縱飲何辭
爛醉臉霞轉一笑生紅從今後婆娑化國千歲樂皇風

又 代鄉大夫報勸

油幕初開駢旄前導暫歸梓里春容致身槐揆功在鼎彝中自是
襟懷絕俗今猶記鉛槧陳蹤張高會君恩厚賜樂與故人同 把
麀鄴水上相看青眼誰復如公況親陪樽俎笑接羣翁坐上笑歌

屢合須拚到曉日酣紅公今去恩波四海桃李盡東風

又代鄉老衆
實報勸

玉闕朝回沙堤煙曉碧幢光動軍容虎符熊軾行指七閩中假道
吾鄉我里揮金事思躡前蹤傾懷處螢窗雪案猶說昔年同相
看俱老大襟期道義不爲王公念兒時聚戲今已成翁敢借玉壺
美酒還爲壽金瓊翻紅仍頻祝中書二紀寰海振淳風

又代鄉老衆
勸鄉大夫

復擁旌麾重歌襦袴滿城長自春容措紳耆舊歡溢笑談中盡道
邦君愷悌逍遙遂湖海遐蹤今朝會公眞樂易屈意與人同般
勤東道主揮金漢傳懷綬朱公引羣仙環拱欲壽吾翁春甕初澄
盎綠春衫更輕染香紅持杯願歸登絳闕花萼醉春風

又雪

鶴冷風亭鴻迷煙渚曉來雪意真空釀成嘉瑞端爲兆年豐況有
神媯妙手調和得雲彩皆同樓臺上鋪瓊綴玉隨步廣寒宮天
公開地軸八紘混一莫辨提封又須教歸禽狡獸沈蹤坐見花敷

萬木誰知道春已輸工三杯酒西湖父老相與話時雍

慶清朝
梅

翠竹莖疏碧溪流淺綺窗爲爾時開依稀遠岸纔見一點寒梅冷
定半疑是雪因風還度暗香來乘清興瘦策過橋黃帽青鞋繁
枝正從雨後似怨人知晚淚浥冰顛殷勤百繞留連蹋徧莓苔報
道玉人睡覺菱花初試曉妝臺攜歸去粉額殢人比竝輕擡

幕山溪
次韻貝守柔
幽居卽事

清談無限林下逢人少騎馬蹋紅塵恁區區何時是了名場利海
畢竟白頭翁山簇翠水拖藍只箇生涯好君侯灑落卜築開冰
沼三徑直危樓徧巖隈幽花香草風勾月引餘事作詩人詞歌雪
氣凌雲寒瘦羞郊島

青玉案
生日

玉姬曾向瑤池舞輕擲霓裳忤王母從此煙霄飛鶴馭一來人世
有緣相遇得爲鴛侶年年此際霞觴舉挾彩筆香牋染新句休
餌靈砂奔月去齊眉不老直須攜手同上青冥路

又用賀方
回韻

湧金斜轉青雲路也逐紛紛玉塵去春色勾牽知幾度月簾風幌
有人應在睡線餘香處年來不夢巫山暮但苦憶江南斷腸句
一笑恩恩何爾許客情無奈夜闌歸趣簌簌花堆雨

又為歐昌言
歌姬作

年來減卻風情大百樣收心待不作恰恨山翁停畫舸雪中把酒
美人頰為淺破櫻桃顚清歌誰許陽春和悄不放遙空片雲過
驚落梁塵渾可可一聲轉處故園春近桃李還知麼

西江月
即席答官
伎得我字

紅蓼千堤挺葉蒼梧一葉辭柯夜闌清露瀉銀河洗出芙蓉半朵
解佩初開粉面繞梁還聽珠歌心期端的在秋波想得今宵只
我

喜遷鶯
叔父
生日

朱旂鳳闕恰弄罷五絃南薰敲竹雨糝桃蹊錢浮荷沼一瞬染成
新綠曾侍玉皇香案偶爾鶴飛江國對此際喜丹霄效瑞非煙郁

郁卜築陶山曲風榭月臺圖畫應難足綠綺春濃青蛇星爛肯

便穩棲煙籠玳筵稱壽清歌皓齒霏霏珠玉競屈指看芝封紫檢
鳴騶入谷

又癸酉歲元宵興
紹興守曹景游

征鴻回北正雪洗燒痕千巖勻綠魚縱新漪梅繁斷岸春到鑑湖
一曲滿目繡簾珠幌暖響聒天絲竹漸向晚放芙蕖千頃交輝華
燭賢牧棠陰靜康阜政成褒詔來黃屋玉筍光寒紫荷香潤人
道此裝須趣且緩催花銀漏恣飲寶觥醺醪向明歲看傳柑歸去
腰橫金粟

又收燈後
會客

纔過元夕念宴賞未闌歡娛無極且莫收燈仍休止酒留取鳳笙
龍笛金馬玉堂學士當此同開華席最堪愛是蘭膏光在金釘連
壁難覓交歡處杯吸百川雅量皆勅敵老子衰遲居然懷感厚
意怎生酬得況已倦游客路一志歸安泉石但屈指願諸賢麥繡
聯飛鵬翼